

Klasikoak bildumaren ale berriak

Lerro hauek *EGAN*-erako idazten ari garen unean publikatu berri ditu bi liburu berri Pentsamenduaren Klasikoak bildumak. Guztira, hogeita zortzi . Eraitza bikaina, dudarik gabe.

Orain argitara eman direnak, honako bi hauetxek izan dira: James Georges Frazerren *Urrezko abarra*, Iñaki Iñurrietak itzulia eta Johann Gottfried Herderren *Hizkuntzaren jatorriari buruzko tratua*, Anton Garikanok itzulia. Arduradunek esan digutenez, berehalako batean beste bi emango dira argitara Pentsamenduaren Bilduma sailean: Ernest Cassirer-en *Gizakiari buruzko entseia*, eta Immanuel Kanten *Prolegomenoak*. Horiek argitaratzerakoan, 30 ale izango dira bilduma honek argitara emanak.

Arduradunen asmotan dago 1977.a baino lehen 50 liburu plazaratzea, hortarako lanak nahiko burututa baitaude. Xabier Mendi-

guren Bereziartu, bilumako zuzendari teknikoak esan zuenez, esperientzia ona izan da alde guztietatik ia amaitzeaz dugun planaren lehen fasea. Orain arte egindakoarekin asko ikasi dugu, eta ziur gaude ikasi dugun hori, guztiz baliagarri izango zaigula hemendik aurrera egingo dugun bidean. Pentsamenduaren mundua oso zabala da eta gure plangintza hasi-masietara baino ez da iristen, baina hasiera ona izan dela iruditzen zaigu eta amaierarik sekula izango ez duen bilduma honetan aurrera segitzeko aukera izatea espero dugu.

Seirehun harpidedun ditu egin Klasikoak Bildumak, Andoni Iriondo bildumaren arduradunetako batek azaldu digunez. Baina, ez dirudi hain lan sakon, txukun eta egoki batentzat, aski denik. Beraz, harpide berri eta ugariak eskuratzea ere beren helburuen tartean daukate Bildumako arduradunek.

GE